



^ 16
2797
6



門 16
2797
卷 6

原序

明季流寇之變守土之臣捐軀殉節者前後相望較於舊史夥矣信三百年養士之報也吾晉江得三人焉於四川威茂道則蔡公肱明於江南亳州則何公燮而長沙司理蔡公事尤彰聞先贈君並爲作傳載於家乘遷鶴先世故宅在府治北之虎頭山與公之居咫尺而近其時科名之盛茲里爲最公後先贈君六年而舉於鄉年纔十九踰冠成進士敏慧絕倫風流自喜慕嵇阮之爲人及其誓志孤城蹈義如歸凜然若寒霜烈日觀公悔後集之作其骨幹

昭和十九年
六月三日

堅勁而不屑屑於字句音調閒則少時之所見者蓋員其
外而方其中也好義者既刻公集於長沙又輯輓公之詩
別爲卷帙以附其後夫沅湘之涯風雅所萃蓋憑弔之區
也莫不哀靈均而傷賈傅今與公而三矣其詞不必盡逮
於古然其感發於忠烈之蹟慷慨而長吟者皆蒸民之好
而騷客之遺也後有作者並賡而存之康熙四十有四年
三月上浣左春坊左庶子兼翰林院侍讀同里後學陳遷
鶴撰

原刻輓蔡忠烈公詩序

明季闖獻二賊分道流掠所在震恐闖賊陷洛陽先高祖
太傅忠節公時旣告致力竭莫支遂同福王被執不屈就
死痛未忍言獻賊攻長沙司理蔡忠烈公時攝府篆方各
官隨吉王遁去人無固志公獨以孤城自誓城破被執罵
賊不屈至慘受支解寸磔以死嗚呼爲臣殉國視死如歸
夫固俱有不可奪之節如是哉且夫蔡公之死也可謂烈
矣當是時以慷慨赴死之志成從容就義之操幕卒感其
誠甘以身殉矣賊衆傷其慘爲之淚下矣蓋其捐糜頂踵

百折不回之概實足以激天地而泣鬼神故能感人以至於是則夫後之遙念其事者憑弔歎歔悲憤不自勝固亦出於中心之誠然而無所強者噫此後先輓公詩之所由作作而彙刻迄至於今而且重刊之謀乎而余因是有感矣今夫好是懿德者烝民秉夷之良也崇祀死事者國家風厲之權也表章一方之賢德使百世俎豆不絕者守土者之責也當公殉難時事聞贈太僕諡忠烈建祠置田矣先是愛國俊藁公肉骨瘞長沙城外醴陵坡後兵使者堵公更具衣冠改葬於舊所又籍諸從逆家房屋及田千

餘畝爲公祠田滄桑後人多侵踣公鄉人倪君康年令善化查復祠宇清出祠田什之二三撫軍丁公趙公相繼表墓釐祠焉夫前之人創之後之人守之又後之人尤宜保之也丙寅夏余來守長沙欽仰公之忠義下車後詢知公祠在郭西偏屈賈祠左躬親展拜卽悉意稽清祠田舊額今者祠宇四進如故門之前鋪屋二間如故其田之在華嚴塘洪山廟長塘三處者內有奇併山冊戶名蔡忠聖額租貳百貳拾貳石亦如故而又於公墓前重修享堂一間勒碑一座凡以表節烈昭舊典也夫以公之成仁取義與

先太傅同一志趨其浩然之氣充塞天地直將千古爲烈
廟食之有無固有不足爲公存亡者要以仰體我朝崇
獎忠義扶植名教之意則公之血食百世俾無至於不祀
而忽諸在官斯土者實無所容辭其責也顧念余總角時
隨任京都又宦遊四方不得偕族人拜掃先太傅祠墓又
自曾祖父來世守清白力不能置祭田今觀蔡公之廟貌
重新祭田永在回首家山蓋有缺然於心而不自安者則
夫堵公諸人經營創置之力後之人殆未可忘其所自矣
余故於今者輓詩之重刊特爲表而出之庶幾千百載下

猶知忠靈如在當於此爲兢兢云乾隆十三年歲在戊辰
小陽之月知湖南長沙府事河南呂肅高拜撰

案呂君號南邨守長沙爲忠烈公修墓立神道碑又刊
行廖氏楚風補可想見其人忠節公名維祺明史有傳

原序

吾族在閩多理學節義之士明季流寇之亂捐軀殉節者
四川威茂道忠愍公諱肱明長沙司理忠烈公諱道憲其
最烈且著者也雍正癸丑表弟陳君矩亭令長沙郵寄忠
烈公遺詩並前後輓詩一集世遠讀之不禁愴然三歎也
當獻賊之破武昌抵襄陽而窺長沙也撫藩監司以奉吉
藩爲名相繼遁衡州時太守入覲公攝行太守事練兵湊
餉爲死守計賊知公愛百姓日不降吾且屠長沙公泣曰
寧殺我毋殺百姓卽手刃乘城者數十人賊駭而退總兵

官尹先民陰送欵於賊與戰詐潰長驅逼城公急出百姓
十餘萬戶以孤城自誓城破遂執脅公降公怒罵不屈使
先民說公公罵曰恨不斬汝萬段手批先民先民羞走賊
擲刃堪公胸血濺賊首仆地賊膽落以刃加公頸公揚眉
舉足自若賊斷公足裂其眉截其兩手罵益烈鈞舌毀齒
抉眼劓鼻寸磔以死先是公被執時有役九人從公不去
賊先殺其五人以懼公公不爲動公旣死次及凌國俊國
俊者九人之一也國俊曰俟葬吾主後受戮賊許之國俊
枕尸呼天大哭解衣裹肉骨葬之城南醴陵坡還詣賊賊

義而釋之國俊曰是我藉義名以偷生也遂自經死事聞
贈太僕卿諡忠烈廟祀勿替兵使者堵公允錫爲具衣冠
改葬籍諸紳士從逆產爲公祠田吾鄉倪君康年令善化
倡新公祠復祠田之被侵沒者撫軍丁公思孔趙公申喬
相繼表墓釐祠事以國俊從祀公以名進士起家死時年
方二十有九所爲詩清幽峻肅凜凜皜皜如其人嗚呼自
古國家多難擾攘急迫之時豈無賣國求降偷生以全軀
身躋顯秩者顧其後世子孫以爲榮乎否乎卽其鄉之人
以爲榮乎否乎引而近之乎推而遠之乎公死已近百年

而凡官斯土居斯地者莫不憑弔噓唏感仰而不能自禁
况於譜系之末桑梓之舊乎忠愍公之死綠松藩鎮帥朱
化龍內叛脅降兄弟妻子家衆死者三十二人公之死因
尹先民歎賊忠義所激感及從役豈不長垂天壤乎凌國
後一徒隸耳一旦舍生取義遂使官紳兆姓瞻禮拜墓歷
千百年而不衰然則偷生者貴乎義死者貴乎讀斯編者
可以慨然奮矣世遠謹識

蔡忠烈公遺集卷之六

莆田黃梓北山原輯 宗裔應魁肖梅編校

鍾音貽雅
德彰永三叅校
友蘭念香

附錄弔輓忠烈公詩

黃道周 石齋漳州人明翰林檢討

聞道潭州失江門必不生寧甘辭老母忍訣守孤城碧血
光雲漢丹心答聖明古今臣子節無愧堂堂名

堵允錫 牧遊宜興人

我友我友江門子黑鬢願身好司李三年冰雪府琴堂嘔
盡心肝民屋裏一朝劇賊和江吞十萬戶變魚蝦羹南朝
詩郎惟一蔡北面兒曹重見人口噴罵賊賊不了賊不殺
公公獨惱千秋正氣生跨箕五丈原頭星照草

王岱 山長湘潭人

劫運丁衰季南楚暗兵革斬竿殺長吏所向成捲席大厦
無復支蒙面先遁跡卓哉晉江公神勇列戈戟背城決死
戰瓦解無完壁史垂睢陽青血被平原赤一嘯天為回善公
嘯長虹貫日白義士馮孝廉守節避鈎索不惜支體斷恥

頰南雲額義興堵撫軍石友敦夙昔泣血灑九招勒轉岫
嶼石配祀屈賈祠馨香不可射我來展祠宇躡躡還躡躡
同罹憂患人苟活愧朝夕余時同馮子被
索遠逃獲脫瀟湘萬頃清嶽
麓九面碧庶幾其來歸為君灑魂魄

俞一鱗 養泉善化人

從來死字最難認死字惟公認得真若使今朝同衆醜幾
無一箇讀書人

菊花雨和蔡江門先生

善化黃學和 二調

撐持秋事讓誰強山色濛濛菊影黃晚節不爭風月豔芳

心獨惹淚痕長飄零籬落愁無那
抖擻精神瘦不妨却是
楚人添楚趣芰荷來往拾餘香

清秋報蔡江門司李

寧鄉 陶汝彙 仲調

岫巖亭上望高雲沈澗秋來一氣勻
何意海雲先出嶽居
然廉水後通閩松於礫砢知千尺
宿有寒芒辯五辰我欲
擬君當太乙下觀嘗為較書人

又

希聲久已托枯桐傳說逢人間
孔融黃石應難忘孺子青
山未免笑愚公登臺客許從隗
始奏雅予慚在曲終此事

古來關氣運剖懷聊得向春風

甲午從幼隗寓中讀忠烈蔡江門遺集有見懷一首

感而作寄知己之痛云

癯然一鶴想神清哭斷城南碧血墳
午夜侶聞鸞鳳獻善公

嘯孤魂甯與鬼龍爭平生何意推王粲
當日誰能嘆杲卿

秋夜見懷詩尙在讀來奚止淚縱橫

朱繼祚 明禮部尙書

誰言是死卽堪悲畢竟無生死要奇
千百萬人齊解甲惟
君一箇是男兒

曹學銓 能始福州人

古今殉難尋常事後死如何轉自憐為愛忠奸顛不破輸君香骨托寒煙

林 奎 子野福州人明侍郎

叔章為類戚死後愧生貪節滿湘江秀忠開嶽麓嵐詩書今不負膚髮可無慚自讀先亡句時時哭淚涵

鄒衍甲 明儲賢館學士

瞬息山河改文章不必名君今真善死我在豈圖生罵賊尋常事全民痛切情長沙埋骨地千古有人評

又

青年 多厚望此節更無疆膚磔魂無恙肢分志益強血流紅日晦氣吐白雲長風雨孤臣在芳名播未央

黃起有 改菴莆田人明禮部侍郎

天意當屯蹇忠臣始見真問誰不有死惟子斷無生碧血流三楚丹心照八閩懸知千載後青史字常新

鄒 鑿 明襄陽尹後亦死難

潭州八月軍聲壯社里千村報死頻萬里奔城嘶戍鼓孤臣裹甲罵征人謾言成敗天多意贏得恩仇血滿襟顧我

自慚猶有誓殺身未了許君仁

鄒藩 明漢陽尹

忽報潭州戰骨空愧予江漢苦從戎畫蘭帝子同爲主芳
草王孫獨見忠歲月未消髀裏肉弓刀直長墓前桐蓼花
紅滴千江雨天亦年年哭蔡公

李文照 元朗善化人

湘上一坏土愁雲結萬古當年攜藏司理骸骨化形銷名
不朽江漢浮浮感楚天波臣失鎖逸青猿九象狂奔無力
鬪百妖號咷彌長路藩王相國猿鶴悲白叟黃童蟲沙微

消息入湖南萬衆心膽寒橫槩長林偃飲馬平湖乾文臣
武力辦一走我公危城獨據守大庭嫚罵氣如虹擲地金
聲印似斗寸磔寸嚮笑未休頑身蛻去恣遠游長嘯一聲
入冥漢九閭開處拜冕旒恩感隸夫輩見之潛拭淚共踏
醴陵坡玉樹幽宮闕宏演有腹我有衣納肝裏骨無二致
義激孝廉耳聞之甘就死有足不跨鐵騎馳有手不草露
布駛任渠斫將無用物英魂好去追司理吁嗟乎故國高
爵厚祿養賢才捐軀致命幾人哉我公有義役兮有良友
黃泉碧落結朋儕君不見陳再瀨鼎甲台衡誇榮耀攻屠

殺掠有權衡不恤狻升由我教

陳郡人獻策云攻城不如攻野野清而城自破殺男

不如殺女女盡而男無歸賊大喜授狀元晉禮部尚書

又不見簡伯功文武長才蓋

世雄多能適足為身累教場演武辱王封

簡亦郡人賊欲官之逃去為僧

賊怒欲屠長善二邑不得已出見教場比試賊黨皆敗授王爵

我生去公時已晚因裁志

乘榮青簡不及臧洪把臂遊自嘆成仁道何遠

楊英

潭州有祠曰忠烈屈賈之間成三傑先明逸事知者誰擊劍為君歌一闋晉江蔡公真天人江門其字道憲名少掇巍科作司理民自不寃訟獄平懷宗末年遭陽九揭竿斬

木聚羣醜天下之勢皆土崩衡嶽荆湘皆不守賊鋒乘勝薄星沙屠城殲邑粉如麻公曰汝民各遠避吾將死守報天家常山壯氣吞強賊睢陽忠義何剛烈流涕誓眾疾登陴寇壘聞之心膽折高牙大燾者何人吾國但有降將軍開門揖賊乃上策不圖人死而狗生壬午八月日廿六耀日降旛光簇簇厮養賤役靜夜羞屈賈忠魂白日哭城破豈能支巷戰復何為衣冠北面拜天子孤臣授命此其時但當報我君不復養我親但速殺我身慎勿殺我民慷慨低徊只四語挺立不屈羣賊驚羣賊窺天作糞土公能從

我印如斗公聞瞠目髮衝冠怒罵那能聲絕口賊豎橫刀
不敢前強者佯怒弱者歎縛公釋公欲公服三翻四覆如
循環公心如鐵罵益厲怒者變歎歎者泣降公釋公兩不
可渠魁會長皆起立有曾謂公誠忠臣誓將磔汝成其名
願見開顏一笑死瞑目九京全其真公卽笑語宛清揚色
康神定如平常挺身受磔不稍怯從者九人摧肝腸九人
亦自非凡流共是當年南八儔爲首者誰凌國俊延頸就
刃先同仇可憐餘人半從死半裹公尸出城市黃道門外
醴陵坡撮土爲墳今壘壘墳成羅拜哭且訴投繯同縊墳

旁樹陰風慘澹走黃沙皎日無光起煙霧吁嗟乎先明養
士三百年亡國節義何寥然蔡公臣則死君僕死主生氣
凜凜千古傳流傳應復待青史吾徒作歌勤仰止願得子
長復生操健筆編爲列傳續本紀

蔡江門先生殉難其從者凌國俊等九人從之死追

紀以詩

黃璞園刻本
作李承諤

益陽
羅賢胄

妖星臨潭人股粟守將迎降前屈膝公獨誓與城存亡結
束弓刀虹貫日死與不死爭斯須能得死所爲真儒田橫
有客願同死義重何惜尺寸膚人生亦各有懷抱可憐疾

風摧勁草小人有母藉君傳得君隻字等鴻寶君不見偷
生幾輩草木腐惟此名節流傳萬萬古

過司李署有感

零陵 桑日昇 本生

客至徒瞻司李衙人人猶說蔡長沙雲連忠魄埋青草日
遠風規隔絳紗萬里慈顏歸旅夢一庭孤月冷秋花徘徊
歧路愁無盡怕數荒城幾點鴉

觀郭幼隗所為蔡江門馮根公傳

邵陽 車以遵 孝思

師友當前若返魂能令後死拜江門只緣士賤君恩薄始
信人歸史道尊北海碑殘芳草合杜陵舟卧落花溫汨羅

最與湘流近欲往從之弔屈原

弔蔡忠烈公

湘陰 吳應台 伯能

翠柏森森映碧渠孤臣遺祀古城墟哭將賈傅同遺策揖
就靈均共卜居香骨不埋卑溼壤丹心長照汗青書男兒
幾箇真忠死一笑風前竟自如

蔡公墓看桃花

善化 魏 瑣

桃花塢蔡公墓碧血入土色成殷一片紅霞遮不住問花
開落自何年春去春來凡幾度淒然感我小子心故國韶
光何處尋有花之地不見春無花之地愁殺人

弔蔡江門先生

楊光觀

共守危城計瓦全那知納款勝攻堅我身可殺誠無悔百
姓何辜竟不憐僕役並登忠烈傳友朋爭結死生緣至今
坏土長沙地報國書生總萬年

冬日謁蔡忠烈公墓遂次公退食感懷韻

善化 張九思 聿修

飄然七尺已辭家

公詩丈夫飄然七尺身今作蛾眉誤嫁人

古寺霜華拂障紗

梅雪詩魂醒到骨風塵血淚灑如花三顏白石同祠墓

白石山謁九卒青燐認署衙未報國恩臣憾在丹忱一點

照長沙

謁蔡忠烈祠

善化 張忠鵠 射圃

碧血何年化豐碑傍古城孤忠惟報國一死豈爭名妖夢
數前定家僮命盡輕何須東海上高義說田橫

謁忠烈祠二首

善化 陳鴻儀 百樓

讀罷殘碑淚不禁長沙城外曉陰陰寒蛩似亦憐忠烈也
向祠前故故吟

罵賊捐軀恨未平丹忱誰復似先生只今畱得浩然氣常
作湘江風雨聲

長沙懷古 四首之一

無錫 秦 瀛 小峴

李潭州已殉中原異代重驚殺氣昏草檄飛書空復爾封
羊屠豕不堪論道旁又見王孫泣江上難招杜宇魂慷慨
輿臺同日死寒陂秋水映祠門

讀蔡江門先生悔後集二首

湘陰 王立楷

大筆淋漓讀楚辭文禽香草寄心知忠魂未雪生前恨正
氣常留悔後詩

半世風騷宇內傳懷人愛上洞庭船文山氣骨常山舌天
遣裁詩二十年

夏日蔡忠烈祠卽事

湘潭 張家桀 蓉裳

出郭循城闔背市別一徑穹碑表南阜沙路陟修磴忠祠
遺像在未到意先敬蒼松墓門外剝落三五瞻託根忠孝
地著枝俱挺勁當時憤罵賊取義法孔孟孤忠感僕隸慷
慨捐軀竝堂堂二百年懦夫氣猶競到門忘亢旱襲袂蕉
風靜撫絃答松響攜茗就泉澄清齋太常值時方蔬筍僧
廬稱酒酣日未夕步履遣餘興泉甘萬瓢集波定千荷淨
芳田負郭肥綠沒穗方孕泥乾漸龜坼仰視天如鏡何時
一雨涼快意重游訂

朱卷

和思莆田人戶部侍郎

草樹雲山暗春風冷夜臺幽魂殘國脈滯魄少年才何故
三軍退偏餘一坏埋孤忠惟獨往視死直歸哉

曾

英養侯莆田人封平寇伯

人臣當未難言下盡孤忠迨至賊來日將惟寇與同赤身
懷社稷白骨敵刀弓遍索潭州將欲歛止蔡公

鄒夢枚

原名巖春字碧人莆田人明司理

暴雨來西北風聲不可聞百城餘一子誓死率三軍頭落
仍呼賊屍分尙憶君有明三百載名教首崇勳

其二

為國山河重致身天地長孤忠寒夜月勁節凜秋霜有死
全三戶無生報上皇謾言真激烈白骨至今香

章

成斐菴廣東人善化令

陽九時乘痛式微山河破碎絮紛霏決甘賊劊生何愧得
報君恩死是歸羣鼠覩顏輸賊歎孤臣飲泣戀京畿只今
霞點湘江樹猶作當年喫血飛

又

一帙殘編照膽寒雨窗讀罷客心酸從容就義文山死百

磔今知死更難

又

竟古荒荒鶴表陰陰饅有芝館松楸馨有懷嗚咽調素琴
沸濤怒吼羽微噍暗彤雲垂兮氣蕭森匪今斯今天地心

彭鵬 無山

六十年來事空餘姓字芳登堂氣節入廟拜冠裳事業
生前夢悲歌死後香只今十萬戶猶凜若秋霜

楊錫桐 晉叔

悲懷拒逆生前日憑弔先生死後身萬劫乾坤餘嶽色一

江風雨泣孤臣君親圖報難同濟家國關心別有神想像
遺踪成往事空餘羣雁滿湘濱

又

氣節凌雲曠世逢寒霜一劍落崇封忠魂萬古縈霄漢壯
志千年勒鼎鐘閩地桑榆悲舊事楚江丹嶂仰光容只今
享祀畱芬苾青史惟公屬正宗

又

簡命平衡入楚疆時逢四壁野烽黃羽林不繼層圍急刁
斗虛懸轉運荒遂爾殉身同許遠還能有舌過睢陽忠貞

千古光雲漢浩氣長空骨亦香

謁蔡忠烈墓

公與先曾大父密庵交好有詩寄懷

寧鄉

陶士傑

嵇山

昔誦江門集有懷彭澤詩清秋縈別緒

寄詩有別後不季愁秋不清之句

世共憂危已畢先生分無慚後死時泉台如話舊慷慨慰

相知

天柱已教折能無嶽足傾英風培海上

公閩人

黑氣滿潭城

草菀塗肝地江流礪齒聲

公罵賊嚼齒如睢陽故事

甯知故人裔憑甲

為悽情

莊有恭

滋圃廣東人湖北巡撫

豈甘一死自成名不矜妖氛恨未平剩骨尙能撐宇宙抱

頭何意倡宗祊

獻賊至吉藩先遁

衣冠腐鼠今誰在風雨靈旗氣

自生抔土千秋猶起懦醴陵我欲薦芳蘅

朱元春

乾一御史

得讀先生傳憐公死獨奇光芒留史冊氣節塞天池顧母

惟含淚從君但裹屍遙知三楚地父老記鬚眉

黃

鈺

嶽生長沙人銓部

獻賊來何急旌旗日正昏舍生休母養取義報君恩舌比

常山血神通湘水魂乾坤存正氣千載一江門

天下奇男子如公能幾人艱貞志不渝奮死衛孤城英風
萬古留堪笑尹先民諸如畏賊人反面背主恩貴曹與宗
祊但愛名位尊氓庶漫弗顧只欲圖自存賊勢或更張何
處容己身此情亦太愚理絕惟貪生有生能幾何志士存
其真富貴難久長罔自忝大倫名教勞撐持惟公獨至誠
德脩仍有鄰胥吏懷堅貞九人誓隨公羞煞諸縉卿其一
尤獨奇殮主葬醴陵既葬請就戮生死何足論人世雖百
年休作鴻羽輕更勿效土壤巍巍蔡江門至今醴陵坡人

黃明懿

秉直廣西桂林人翰林編修

懷忠烈墳名義感道路遺老淚縱橫春露與秋霜悲感意
常殷非有平生舊緬彼道義醇公豈徒死爲仗節匪爲名
正氣在天地理足鬼神欽逆賊雖未殲膽落已喪魂國威
賴以彰國本賴以寧大地盡如公宇宙常不傾任彼刀鋸
加罵賊不易心百磔誠何恨膚髮轉見榮赴死亦太難百
鍊畱心精自信本有素求仁而得仁

又四首

先生身歿有遺詩悔後旋爲絕筆時手自一編餘向慕人
從萬死辨鬚眉丈夫不作尋常計男子當爲天下奇詩爲

勞忠烈公遺集 卷六
公傳詩不朽公詩千載付吟思

其二

孤城獨守行偏完城破身危事轉難
司理官卑民望著強兵手刃賊心寒
當年後死人何在此日先生淚未乾
萬姓無殘臣力盡一身寧殺有餘歡

其三

臣忠無愧孝無愆忠孝無歧本自然
人苟辱身親已辱公能全分性皆全
丹衷直揭雲霄上碧血常留宇宙間
既死一生心事足了無遺憾到重泉

其四

寸心炳炳照天壤一死千秋足紀綱
骨朽仍留碑碣在官輕偏覺姓名香
至誠難與齊貞節舊吏同甘就殺場
配食音容看肅穆春烟秋露碧天長

陳文昭

景山漳州人協鎮

墓草年年綠刀痕血益多赤心爭日月
浩氣壓山河此頸偏能斷惟忠不可磨
至今城闕下千古醴靈坡

又

勢敗城危守將馳才高管樂計安施
慈親不顧惟忠國赤

子難忘願碎尸澤普星沙今尙在心同金石豈能移九人
曾讀田橫傳共向冥冥報主知

又

忍舍親恩甘盡節從來忠孝不能全文山爲國家全歿蘇
武回朝母亦捐獨羨蔡公忠最烈還欽九役義堪傳湘江
水作傷心淚灑滿春山變杜鵑

趙曾益

魯菴吳縣人長沙同知

朔風吹霰雲成陣祠宇森寒柏蒼勁日暮神鴉啞啞飛理
靈坡畔生青燐摩挲石碣苔蘚斑懷古愴然心起敬當時

忠烈遇何窮守土罵賊以身殉僕隸義憤死不難從容後
死以埋殯可憐碧血化何年氣塞乾坤得其正笑彼先民
肉袒降噫嘻久已成灰燼

林元定

泉州人武崗同知

先生何事殞孤城只爲丹心貫帝京眼底黎民恩大被刀
頭逆賊膽先驚悽愴寄母瀟湘冷凜冽酬君日月明郭外
荒坡藏魄處乾坤萬古一忠貞

又

自古顛危草木愁江門獨石砥中流鬚眉不恤乾坤眼手

足難堪江上秋白骨淒寒千士膽赤心先照五雲頭廟廊
紅日西風烈滿地悲歌事未休

李拔 峩峩峯劍南人長沙郡守

年少牧民日曾聞國士風悲哉忠孝志殞此亂離中碧血
湔青草丹心映白虹先亡看早辦慷慨托詩筒

其二

共此孤城寄其如惜死何衣冠幾腐鼠荆棘又銅駝浩氣
延殘國忠魂暗怒波湘江鳴逝水長繞醴靈坡

其三

聖朝嘉苦節

宸濠慰孤臣已壯山河色還依屈賈鄰祠在賈太傅宅旁男兒原

自好公題李忠節祠堂句往事不堪陳丹荔秋嘗薦遺民涕淚頻

李鍾份 秘園安溪人刑部郎中

公同郡晉江人也余穉齡赴郡應童子試游城北朱
子小山叢竹書院見旁有公祠友人為余言公之義
烈耿耿余敬之歎之感慨繫之後又有友告余曰昔
有吾鄉兩截顯宦過楚舟泊河干忽颶風大作矛樁
弗禦問舟人曰此處有何神廟或告之曰有蔡江門

公祠顯者曰吾往謁之遂入祠祝曰君自流芳百世
我當遺臭萬年長揖而出風恬浪靜星夜回櫂余聞
而疑之意公不如是之淺也旋思薰蕕之難相近彼
自戾氣感召然也余離鄉日久微宦十有餘年歷游
於齊魯燕晉之間皆爲刀筆末吏不足爲里閭齒乾
隆八年春奉

命副呵少司農鞫案長沙居近三月事竣之後得赴吾鄉
會館見桑梓人知公祠處進而瞻拜焉及讀公之詩
深佩有晚唐遺風第旅色匆匆竟不得以一尊灑公

瑩心甚悵然謹賦八韻留於祠壁以誌意云

功名富貴羽毛輕義膽忠肝見性情季祚烽烟頻日警孤
城士女幾回驚存心報國身前事矢志捐軀沒後名人世
百年誰不死公今千載獨如生歲寒松柏蒼千仞板蕩詩
書拳一擎節並遠巡南北比烈同劉李後先鳴閩山閒氣
楚山傑湘水鍾靈晉水英我適皇華瞻座右敬公慷慨百
吁聲

倪康年 善化人

孤城獨死守大節過張巡實足誇千古何專重八閩

又

蕭衣下拜弔遺踪
天禍前明降鞠凶
大將同心王子在
還殲逆首建功宗

又

鬼神悲泣動天昏
死後無童可應門
今古偷生皆已矣
雷將殘骨振乾坤

又

仙風飄渺白雲高
何事招魂到楚皋
帝賦玉樓虛左待
沉淵還笑作離騷

又

殉難為臣職
何人並我公
四方飛赤羽
獨力挽蒼穹
墳有千刀骨
門無三尺童
常山舌上血
先後自同風

又

休云風不競
有此壯江城
為國情何重
全家念已輕
淚枯慈母血
哭失後人聲
枕秘遺編在
淒淒紙欲鳴

黃

梓 北山莆田人

有明殉節莫如公
青史標名自不同
司理潭州非重寄
甘心受磔作精忠

又

殉難尋常事如公死更奇孤身持社稷獨力守城池舌割
喉猶罵肉判志不移生全十萬戶千載觀芝眉

又

社稷山河人不守獻賊未來眾先走荷君厚祿捍君危不
然安用大臣為潭州司理輕如葉自任前驅言喋喋城陷
身亡甘受磔蔡忠烈身非勇心非怯千年禋祀城南側

又

議計保星沙擁兵保其家議計非巡遠權臣尙自誇議避

生議戰死生國姦死國節忠與姦任人擇天下事久乃見
不見姦臣生但傳蔡忠烈

林

覺 愧庭莆田人通判

獨力扶危莫與援賊氛荼毒慘難言書遺報母惟含涕膚
磔酬君只戀恩千載日星昭浩氣三湘風雨泣忠魂醴靈
坡下餘抔土猶剩當年碧血痕

其二

曾披誌傳仰精英展拜松阡淚滿襟人盡偷生忘節義天
遺劫運顯堅貞孤城誓守爭尸祝九役同殉自性成烈媿

睢陽真不愧楚山閩水永垂名

胡虞繼

芝廬湘潭人進士任宜黃令和學使袁鏡池先生韻

展拜斯堂繼者難九原漠漠涕猶寒臣心此日何嘗死賊黨當年枉愛官星渚泥沙沾血碧潭城烽火照心丹君恩地下長依戀忍割慈幃菽水歡

其二

千古文章節義兼叢祠香火肅觀瞻湘江九折神偏壯嶽麓雙峯勢正嚴白白又飛頭不轉明明舌斷語猶甜當時多少談兵者枉自探符握寶鈴

其三

同是衣冠七尺身百年誰復氣猶新無雙淮北撐天手第一常山罵賊人高塚纍纍分海嶽孤忠耿耿貫星辰只今論定還青史取義成仁兩不湮

其四

荆棘銅駝失俊雄枝頭野鳥笑春紅理靈坡下猿啼月賈傅祠邊日貫虹代有名賢思弔古才如惜逝紹高風千秋謫宦長沙地此例還如一轉篷

又

丁亥春客泉州夜讀公傳感賦二律

蔡公壯節凌千古把讀遺編一泣然舌並常山曾罵賊命
偕燕市豈悲天叢祠肖像尊香火兩地招魂重墓田憑弔
孤忠增感歎夜闌聲影到鏡前

其二

讀罷遺編把卷歎淒淒簾外漏聲殘殉忠舊案身前定正
氣新歌悔後刊萬里魂歸閩海闊千秋血化楚燐寒蕭條
六十餘年事青史于今正耐看

李為觀

泉州人武陵令

萬古英名在空堦血跡留聽猿頻下淚聞雁却驚秋冰魄

瀟湘老丹心碧落浮徘徊憑弔望漢水日悠悠

林紹祖

龍溪人醴陵令

舌斷忠心在長城誓不開乾坤凝節氣星月煥燐灰名顯
閩山道魂歸楚夜臺先生千古歿湘水尚餘哀

張天如

念齋浙江會稽人長沙令

血濺千載心骨掩一坏土上以報國恩下全十萬戶陰風
捲靈旗鬼火熄荒塢鬱鬱醴陵坡春深號杜宇

黃文英

卓人善化人

提兵觀士馬披甲恨先民拜爵同明主甘心作虜臣偷生

羞負國後死屬何人
堅壁江潭上千秋憶遠巡

蔣晟

福州人醴陵令

醴陵令陟醴陵坡再拜英墳哭後歌
忠烈芳聲標鐵券秋風衰草沒銅駝
一親免難魂差慰九役同殉義足多
日暮行人頻指點謾將張許較如何

其二

孤忠臨敵計深沉城陷身灰萬載欽
縱使千刀能碎骨任教百折不移心
鬼當靜夜鄰祠哭氣貫青天白日陰
戰守若行公一策妖氛未必得相侵

劉介臣

關南人安化令

獻賊環攻急城傾刁斗屯乾坤
憐落日風雨泣孤臣有死殉君難
寧生戀母親計全十萬戶輕此七尺身
烈氣排銀漢丹衷照紫宸理靈一抔土
嶽麓並嶙峋愧煞投誠賊甘爲賣國人
不如凌瑞甫猶爲主成仁

林宸佐

明州莆田人興寧令

蒿目心傷十萬家妖氛當日散星沙
巖巖浩氣垂霄漢落落孤忠歷歲華
廟貌不衰新黍稷山川猶憶舊桑麻
捐軀報國如公者司理風高千載誇

方伯 湘潭令

血食潭州十萬家烏紗凜凜碧籠紗天高淚落秋冬雨江
遠波翻荻蓼花罵賊報君驚合幕封書寄母痛歸衙卽今
郭外遺悲恨半夜泉聲咽白沙

林原洙 福州人武陵令

仗節孤城答聖皇英風凜冽滿瀟湘名同張許冤彌慘念
切生靈死不忘炯炯忠魂光夜月巍巍浩氣過秋霜只今
入廟重瞻拜猶令英雄意徜徉

鄧士鵬 上伯泉州人會同令

忠孝爲人第一儔捐軀以外復何求孤城民社生前恨古
廟衣冠死後留饑溺寸心同此急功名兩字未全收長沙
幾度欽桑梓夜雨瀟瀟淚不休

吳璉 龍巖人衡山令

張許今爲烈潭州故事新乾坤雙墜日心血數行真至性
類思母殉亡只盡臣禮瞻者誰氏入廟凜君親

洪芳少 洛春長沙人

舌繼常山誰罵賊獨餘司理血縱橫君恩母養生前志楚
水闔山死後名誓有一腔酬故國愁聞三戶哭孤城忠魂

弔罷衣冠肅怕憶當年戰馬鳴

段繹祖

念菴雲南人興寧令

先王父諱高選謚恭節明萬厯己未進士篋仕巴蜀
適天啟辛酉奢酋亂一門靖節事載明史與忠烈公
同轍茲讀公傳不禁感慨繫之自愧不文敢效顰以

弔

捐軀報國古今奇况復孤城一力支寧別高堂甘盡節忍
忘丹陛陷羣黎頻加白刃聲尤厲獨凜青霜志弗移正氣
烟雲常不散朝朝飛上嶽山厓

其二

繡虎才雄八閩馳如何出守際艱危嚴頭稽血堪千古孟
義孔仁盡一時九役更能殉主難百年不愧附忠祠嗟予
先世曾同轍讀傳潛潛動所思

廖時霖

兩山安化人

于誰見危而致命乃公殺身以成仁一腔碧血流三楚千
載丹心照八閩莫恨將軍輕賣國却緣板蕩識忠臣當時
誰不從灰劫砥柱狂瀾獨一人

蔡

瀛

愧步莆田人公從姪孫

星沙臨難一孤臣大義堪為萬古人
辭母盡忠難盡孝事君知節不知身
霜寒九役心中鐵名著千秋史上珍
讀得從君忠烈傳楚山杜宇自啼魂

朱鵬 莆田人

捐軀矢節尋常事慷慨如公古所難
舌斷肢分無胜志仁成義取有餘歡
血流湘水江同碧心照天墀日亦丹
贈典已存青史恨理靈墳畔氣猶寒

陳濬毅 常一莆田人

萬里山河信莫支問誰慷慨任驅馳
凌霜正氣公惟凜貫

日孤忠賊亦悲荒塚定須呼壯士
玉樓終不作頑兒千年城闕英雄死
剩有聲名百代知

又

自來稱忠烈江門更奇異國步既維艱
獻賊勢已熾盡力披堅奮勇智罵賊如雷
聲不置無知逆黨逞鋒鏖鐵石心腸終不避
千刀骨碎尚揚眉九役相從死共隨血染熊
湘天地暗氤氳淒淒草木悲君不見公年未
三十奉母命報君恩貞莫及生八閩死湘水
直如雲中看鶴立吁嗟乎醴靈坡上餘芳草
吹落楊花當紙錢一任清明人祭掃

黃梅 莆田人

英雄建業隨遭遇江門先生身死處天下忠烈自有人先生特紹叔章事昔年來謁先生祠今年復拜先生墓願人氣節學先生不僅區區弄文字

陳浩然 集人莆田人

先生瀝膽報明君九役同殉世罕聞畫策敬陳彪虎陣揮拳獨抗犬羊羣剛心噴血啼秋鳥遺恨沖天黯暮雲草木至今猶慘淡不堪憑望楚江濱

黃夢覺 藹吉善化人

蔡公祭田糧四十石有零乃先伯燠先父燾所捐亂後為人隱佔閩人客斯土者不能與之爭夢覺遠遊歸持原契出質方得歸祠然亦僅存什之二三耳賦此誌感

城陷身危志愈堅膝經賊劓更揮拳一生事業千刀斷百鍊筋骸萬死捐耿耿丹心留赤烏淋淋碧血湧黃泉理靈坡上忠魂在奸猾何因廢祀田

胡方禮 秩宗長沙人

天生英傑運謀深戰守空勞淚滿襟刀鋸不辭存正氣磔

剖含笑本貞心湘流不減前時恨嶽岫猶啣此日陰名教
若皆懷報國狐羣何自敢相侵

洪遠韻 採蘭長沙人

獻賊環攻勢欲傾長沙鼓角動悲聲征旗落日迷蘭芷戰
血橫江染荏蘅三戶無人同四役殘魂有望到邊城荒邱
舊祀今猶在一曲哀歌付賈生

洪石霞 逃訪長沙人

憑高哭罷正黃昏蔓草寒花淚有痕不見孤城環鐵騎空
留枯骨葬平原啼鴉夜夜悲亡國亂雨年年泣斷魂試看

瀟湘江上水至今猶憾蔡江門

顏楚勳 介軒

不幸遭時難存亡孰重輕仁成洵可死義在必無生浩氣
凌天表丹心貫日精常山留一席千古共標名

又

連城盡萑葦力殫勢難持莫道一朝節猶堪百世儀匪堅
金玉質安表雪霜姿凜凜湘江上英風日滿旗

顏芳 梅川

霜勁獨搖草天心方薦瘥不辭碧血淚亦奈蒼生何苦節

寒山竹貞魂遠海波懦頑相感激氣義未消磨

邱希岳 如金漳州人

正氣盟河嶽丹心照太空有身殉國難無計養親終夜月
飄魂碧飛霞嘔血紅可憐當日事肝胆許誰同

又

禦敵曾期百戰功奸臣誤國陷英雄嶽雲黯澹忠魂瘦湘
水暗暗血淚紅萬死不甘三戶盡孤城誓節九人同空餘
芳草埋幽骨正氣常伸滿太空

李佐 良哉麻城人

潭州春冷荻蘆蒼晴日吹笳動弔場影暗忠魂憑草綠精
餘血淚潑山黃赤身只顧關河重白骨銷因君父長六十
年來城上事崎嶇轍跡盡螳螂

其二

義膽忠肝骨亦香江門千載對瀟湘劫灰不死刀頭血罵
賊還餘舌上鎗只此長沙一塊土可爭司理萬年霜當時
亦號多戎馬何故將軍讓蔡郎

其三

長城荒月照黃昏光透衣冠廟貌存百戰無人堪罵賊五

陵有客便私奔念年公已輕生願三戶民猶拜死恩明帝
至今靈未散孤忠萬里祀江門

其四

獻賊旌旗湘水渾長沙殺氣滿江門空留舊祀燈千載剩
有先明月一村四役舍生能葬骨五人伴死莫招魂還思
殉難當年事回首孤城不可論

汪公銓 審言益陽人

有明忠節首江門狼毒妖氛也喪魂舌劍唇鋒猶斧鉞身
輕百磔獨心存

邵崑玉 福清人

捐軀詈賊等無身一死從容有幾人千古流芳青史筆長
懸冰魄耀南閩

石文成 聞涿安徽人

松柏何蕭蕭云是蔡公墓背踞醴陵坡前臨芳草路緬昔
賊焰張蜂擁競南渡赫赫兩藩王遁走不相顧千鈞繫一
絲嬰城誓守禦有母不能養戀此千萬戶孤城等枯朽
一身甘湯鑊寸磔非所恨恨為先民誤幕下卒九人人人
就刀鋸國俊更英奇從容義獨赴俠骨振乾坤大節光國

步英爽載雲旗陟降飄靈雨咫尺李潭州精魂應相聚巍
巍墓門高長與嶽麓峙

蔡洛

雙溪善化令公之從姪

二氣兩儀分中涵只一理理氣滾成團生物皆根柢何人
不有氣恃理得其正只有不正氣無有不正理正理與正
氣相扶直到底大哉此正氣其在天地間日星河嶽是俯
仰辨四維上下縱橫至其在太平時三皇並五帝王溢霸
已瀉流薄何所底當其處常時臯夔與尹旦明良而忠聖
勤勞王室人不知當其處變時龍逢比干志犯顏觸死誓

不移及其在晚近外則敵國外患內則亂臣賊子在漢則
蘇武漢節自持嚙雪吞氈孤臣萬里在蜀則忠武出師二
表伊傅表裏七擒六出盡瘁盡死睢陽戰苦陣雲深慷慨
罵賊抉唇毀齒常山太守顏杲卿鉤舌不怵奇男子舌血
已枯心血不止更聞宋時李忠節潭州一門盡死滅帳下
沈忠感泣血受主之命殺主身並其身家自殺滅鬼哭神
號天地裂嗚呼忠烈公疾風知勁草世亂忠臣見三年劬
勞之恩報母無日十萬生聚之衆遺黎可戀有明三百年
來高官大爵苟祿偷生者何限耿耿孤忠何處得此小小

之臣天胡不遣雷霆擊此獻賊與先民可憐長沙城寧爲
江門死莫作先民生較之毀齒而且截耳較之鈎舌而且
挖睛四肢全毀五官盡傾李公之死家滅蔡公之死身滅
李公之死殉難者沈忠上及寮佐下及庶民蔡公之死從
容就義而死者淩國俊而同時而死者又有九人目擊之
民飲泣酸辛是皆潭州淒慘事而傳爲美談者至今嗚呼
公歿之辰晝日無光厲鬼夜哭屈賈祠中爲子死孝爲臣
死忠死真何妨理靈坡上枯松折柏一抔流芳令我讀正
氣歌而有懷於文文山之勁節高風語其心卽諸葛武侯

之心語其節卽蘇典屬國之節龍逢比干當其時可一體
觀臯夔尹且易其地莫作二看地維賴立天柱賴尊安得
上游古皇遠帝之世而人人個個皆有亘古不磨之心

黃之淇

孚武邵武人

明季顛連煽逆氛塗肝染血不堪聞楚南城堞餘多少半
壁瀟湘剩幾分只有星沙櫻死戰得無俠氣篆層雲江門
節義空今古千載詩文哭蔡君

劉

煌

贊孟

司理長沙地孤城遠待援妖氛多未靖時勢總難言仗劍

心殊壯登陴敵已奔奸臣真可戮賣國陷江門

其二

親恩雖罔極報國適於斯兩願生難並千刀志不移舌割猶叱賊肢斷復揚眉鬼哭憐忠烈殷殷屈賈祠

其三

望闕長稽首膺鋒獨裸胸成仁當慷慨取義更從容祠冷瀟湘雨風高嶽麓松冠裳猶自昔剩有白雲封

其四

細雨連朝始放晴閒尋古廟拜先生堦前草色春猶綠檻

外風聲水自清宅傍賈生憂國計官推司理正年英數重鐵騎孤城下抗節千秋振有明

其五

忍訣慈親繕甲兵祇因報國一身輕千刀有志生前事九役同殉死後名剩有題詩驚彩筆空聞隔葉囀黃鶯鐵塵不到閒庭裏依舊春風故國城

張國統 鳴臯汀州人

正氣通霄漢孤忠耀北辰理靈一抔土千古姓名馨

張起鵬 伯秋莆田人

殉難違親養捐軀報主恩孤忠天盡黑正氣劍能吞有舌
任他斷無喉尚欲言當時多國賊忠孝見江門

其二

可惜蔡江門名垂青史存商風悲節烈血淚注忠魂今古
人知敬春秋酒薦尊夜來明月下遠憶理靈墳

姚曰都 新安人

嶺海多神氣英靈降嶽精文章起後哲忠孝本天成直道
明刑理高風貫日晶臨危無苟免靖難為蒼生忍別違慈
母分身答聖明夔倫昭大節千古仰芳名

過長沙弔同鄉蔡江門先生

顏儀鳳

明季等衰周積弱有自始太平不知兵賊盜四方起公會
仕長沙猷賊久虎視一朝捲土來孤城復何倚公出殊死
戰辟易三千里力窮城乃陷孤忠天日矢叱咤聲逾厲凌
遲心無悔死視睢陽酷節直平原比丈夫七尺身公真不
愧矣 公悔後集有丈夫飄然七尺身今作蛾眉誤嫁人之句蓋傷遭時之不幸也 我聞公年少
白面書生耳放誕是平生經濟幾曾理詎知臨大節屹如
介石峙戰守憑指揮利鈍不逆揣破賊雖無成亦足雪國
恥方袍圍領輩有誰解辦此更憐公隸卒公死當立侍忠

義相感觸有如風激水視死竟若歸甘同作厲鬼草野識
尊親正氣乾坤精靈應依公千秋歆楚祀

讀江門先悔後集

顏百揆

司理獨撐虎豹師孤城已陷力難支長沙不了生前恨晉
水徒存悔後詩氣凜冰霜忠節厲光搖河嶽筆花奇吟餘
漫結羹墻念獨對秋牕有所思

孔昭虔

闕里臺澎道

山海鬱蒼蒼先生此發祥臣心徵國史天語耀祠堂

子姓多名世忠魂安故鄉重新瞻廟貌舊恨雪衡陽

其二

衡陽秋月白海甸共清光司理威名重忠魂血食長几前
綿俎豆世上幾滄桑頑懦應同激千秋蕪瓣香

魏

瀛 衡陽人晉江令

醴靈坡上一抔土先生衣冠葬其所我昔再拜謁高墳煌
煌天語揚芳芬忠魂照澈洞庭水義膽裂破衡山雲

孤城可守命可寄白刃之蹈非公志節士由來輕一死如
公一死不苟耳握拳透爪顏太常嚼齒穿齧張睢陽感鼻
猶作罵賊壯沉芷澧蘭為惆悵碧血可能報君恩白頭不
得顧母養須知殺身以成仁事君不忠辱其親古來大義
原如此惟公顛沛必於是公死及今百餘年烈烈英氣如
生前先民遺事竟成冤颯颯松濤猶怒號湖南省志載尹
先民翻城應賊
而晉江邑志以為不降賊絕食而死
為忠為字竟成疑案善善從長可也 溟海深楚水長公蒞
吾土吾來公鄉重瞻廟貌一翹首為我勒石示公後

悔後集附錄序傳輓章跋

念祖十歲時從陶師受章句業於江門先生祠祠有與張
鐵三匾額不曉其義詢之長老長老告余曰此皆古忠臣
也余心敬之而未知其所以忠也比長考之前史粗知張
鐵行跡而江門先生事亦備載府縣誌中辭母養報君恩
寧剛我毋殲民偉哉忠乎可以不朽矣甲寅以後余授徒
先生祠內因得從蔡姓友家借讀悔後詩集鈔錄不及十
之四五然幽憂鬱勃慷慨淋漓已略得其大概聞先生家
居時每月夜乘桴登對門海中孤嶼先生故居
塔江海濱劃然長嘯

繼弄鐵笛空中神靈紛逕響應率以爲快興盡而還又聞
先生任長沙時公暇輒手離騷一編激烈殆本性生歎抑
別有所景慕於其人耶詩以言志先生之志見於詩矣歲
丁卯偶於同學案頭檢得長沙重刻悔後集并附刻序傳
碑記輓章甚詳三復流連起敬起慕因全錄悔後集一編
復摘鈔傳記輓章之尤詳切者僅得十之一二附於集後
嗚呼先生忠心義節炳於日星本不藉詩而傳又何有於
哀輓微詞然而感激向慕之情則何能已也居公之室讀
公之詩想見公之爲人亦庶幾起頑振懦之一助云爾

嘉慶丁卯秋七月下澣晉江後學黃念祖謹誌

跋

古忠臣節士一至之行足以充塞天地照耀宇宙不必定以文章重然論世者苟得其一二殘篇斷簡則摩挲愛護歛歛憑弔而不能已吾楚固騷人之國也哀湘弔郢怨芷吟蘭香草美人芬芳悱惻而靈均之忠誠悃款畢露於二十五篇中遂廩廩與日月爭光假令世無離騷風雅且將中歇區區汨羅之沈亦何異於匹夫溝瀆然則文章之所關顧不重哉嘗聞古先言蔡江門先生少時喜讀楚詞曼聲微引聞之淒惻欲涕識者謂其有楚音悲激屈賈前身

其後果以司李殉難長沙死至烈公自訂悔後集康熙中
有重刊本存公祠堂詢之寺僧及長沙士人無有能言之
者矣今年春余承乏瀋西鄧湘皋學博適司斯鐸一日持
悔後集出示蓋得之趙君蔭甫者湘皋又爲之編次綴輯
將謀鋟版余見之忻躍謂此舉亟不可已爰約胡君竹安
陳君東屏及蔭甫共襄斯役數君與余同官楚南皆與湘
皋善湘皋好古博聞近增訂楚寶一書拾遺補缺不遺餘
力是集之刻亦其矜尚名義表揚前哲之一端也道光十
一年嘉平月興國方炳文謹跋

跋

蔡江門先生死明季之難長沙婦孺能言其詳予嘗一謁
先生廟堂瞻其遺像貌美皙而眉目清奇之氣咄咄逼人
肅拜低迴想見切齒罵賊時也道光五年於友人處得滇
南周二南瀏陽死事實紀畧一冊內載江門先生一聯此
血千年應化碧回頭一笑獨留青句意之奇妙非復人間
語竊惜所傳止此二句耿耿不能忘遇寅好之籍閩者輒
問先生有遺集否訖無知者越五年庚寅有友自長沙來
手一編相示則江門先生悔後集也爲狂喜欲舞詩止數

十篇各體畧備蓋刊自康熙四十四年紙雖敗敝而性堅厚字跡古秀刻手極佳詩致峭拔如孤雲行空如幽泉激石如絕代佳人天寒倚竹如入秦壯士渡水生悲斷碑有氣生春草古瓦無痕繡紫煙樵眠有路無心得僧老何年背雪歸夏夏獨造無一字一句在人意想中類如此悔後集自序只百餘字餘味曲包大旨謂今日作明日悔心之虛亦才之大嗟乎古忠臣孝子生氣滿天地亦何藉語言文字流傳後人傾慕之極於忠臣孝子樂搜羅其語言文字者蓋大節所彰仰如日月尤欲於歌吟之末一覽鐵石

心肝也香草美人汨羅之幽魂如見於斯編亦然

道光庚寅仲夏之下浣易州趙亨鈐謹跋

後序

憶弱冠應省試至長沙偕仲兄顯鵬雲渠謁蔡忠烈公祠墓恭讀

高宗純皇帝御製詩并序及武進趙恭毅公申喬所撰墓表祠堂記肅然起敬凄然欲涕道光己丑余重修楚寶於宦蹟門增輯忠烈公傳又念周氏楚寶爲忠烈公督刊讀其序益令人神往因思搜輯其詩文并各家傳志弔輓之作合刻爲忠烈遺集上元陳子言元富告余曰公不有悔後集在乎余嘗讀之如冰花鐵鏽冷豔逼人公天人也不圖其

詩之妙乃如此亟徧索藏書家不得今年春晤趙蔭甫明府亨鈐於長沙語及明府躍然曰余蓄此志久矣取篋衍所藏一冊鄭重出示則悔後集也頂禮捧歸置案頭焚香誦一過如聞玉笥山吟九歌成四山忽啾啾若啼嘯聲不僅忠烈心肝如揭須眉如生已也公集自序始於崇禎壬午正月五日次年八月二十六日公殉城死蓋距編詩之時未二載云是編重刻於康熙壬午後公死時六十年排次凌亂殆非其舊矣余乃以意重加差排又徧搜志乘及各家私集凡有關於忠烈事蹟者都爲一集正謀授梓

忽於友人左仲基宗植家廢簾中得其先世手鈔忠烈公行狀殘本蛛絲煤跡閒黜黠點黼竭目力纔能辨識而忠烈當日殉難情事及居官本末守禦方畧委曲詳盡纖細不遺多世所不傳乃嘆向之知忠烈者猶未盡也行狀爲公子知遠作公無子此其所後之兒子也文凡七千餘言前缺一葉與諸家記載畧同其敘次南北兩撫軍畏蕙退縮棄城逃遁狀不遺餘力所稱北撫卽承天巡撫王揚基南撫卽湖廣巡撫王聚奎俱見本傳與史合獨於尹先民無貶詞蓋先民與公誓死守公倚之如右手武夫不知

大義城破力屈而降耳卽明史亦止言先民出戰敗還賊
奪門入先民降無他詞自丁中丞思孔墓表有先民翻城
應賊之語而恭毅公則謂其與吉闔陰輸款於賊及出戰
詐潰引賊逼城下末又云讀郡志山陰宋俊爲公傳其言
公被執乃先民誘而縛之審如是則先民真狗彘之不若
矣行狀乃言先民降後哭曰吾豈負蔡公者吾終必死死
當斷悞國者之頭所謂悞國蓋指王聚奎也其異辭如此
竊疑行狀出公子手今按篇中所載年經月緯歷歷如繪
證以公集中詩詞無不照合末云今春從父至星沙舊役

張啟元引從父拜墳上其得詳當日事乃啟元及百姓爲
從父述如此又云有陳嘉祥王正期者自裹糧護公骨偕
從父來共見大母及母述公死時狀猶哭不可止云云是
當日見聞親確宜可信若丁趙二公墓表採自各家記載
而宋傳尤爲恭毅所本因復取宋傳讀之其中頗多不實
傳云時太守堵允錫先事入覲公時以推官權知府事而
行狀則云九月郡守堵公以覲行公雖不視篆而郡事頗
仍交併今案公集有送堵牧遊北上詩及序并無權郡事
語知行狀之言信矣又宋傳云公之自大理赴長沙也考

崇禎十年忠烈成進士選大理司理未赴任旋丁外艱服闋選長沙故公集中壽周石拙詩有滇池不可到使我來長沙語非至自大理也又云與其弟奉太夫人行至郡聞流賊及江黃因遣弟送太夫人歸尤爲失實考公爲司理時將有督運通州之役因遣婦奉母歸集中有通州之行不果而老母已歸書愁四首又有堵牧遊以湘水清祖我去通州詩其明證也至公兄弟三人序居季亦屢見公詩而宋傳則謂公有弟其言之鑿空難信如此而恭毅卽據其語以表墓固宜其與行狀不合也先民武夫亡國之虜

何足深辨特以見戎馬搶攘山谷騰沸時傳聞異辭紀載多失實爲可嘆也行狀又言公有友三人欲與公存亡今案三人者一爲湘潭郭金臺幼隗一爲善化馮一第櫻公卽公集中所謂馬踏夜望南皋燈火疑爲郭幼隗馮櫻公讀書處詩是也其一不知何指櫻公後以罵賊死幼隗本姓陳爲 國朝恪勤公鵬年曾大父與櫻公同作代古詩忠烈公嘗序其集者也爲忠烈作傳并刻公詩集曰詩存亦可謂不負公者也行狀又言從父欲開墳取骸骨歸百姓依依不能舍舊守堵公通判周公重違百姓意乃具衣

冠藏於故處改醴陵爲理靈爲銘志之是公骨已歸閩今案劉友光祭公文有云六月十一日公兄元昆馳義興塔公所撰墓銘來始知以是日虛葬公於郡城之醴陵坡友光字杜三攸縣人亦名下士與公爲詩友者今集中有鄂城寓中劉杜三函寄酒卮詩言虛葬則其歸骨可知又與行狀合今國人皆信公墓在此絕無有知當日歸葬於晉江事丁趙二公去公死時差近亦未深考何也元昆公母兄集中書扇頭送元昆兄歸舍詩卽行狀所指之從父其人也又行狀載公題李忠節公祠壁詩有許多上座薪誰

徙正在中流楫自呼之句詩不見悔後集今從寧鄉黃氏得一殘缺鈔本中有此詩題作淶江道中楫自呼呼作悲亦載長沙府志今集中補遺一首是也又考當日從死九卒僅凌國俊一人見明史本傳及他記載餘無考行狀於國俊之外有李師孔陳賢二人姓名皆方志所未及此文出可補史傳之缺可訂記載之譌得非忠烈公靈爽式憑故因余遺集之刻不先不後而出耶噫異已刻成敬識其緣起於後集不分卷帙凡爲詩一百三十七首詞三首補遺詩一首文四首卷首恭錄

純廟宸章次忠烈小像次明史本傳次行狀次墓表二祠田記
次別傳二次祭文次書後則顯鶴增訂楚寶宦蹟書忠烈
傳後之文也次序文四集後附錄逸事二則考異十三則
殘詩跋凌國俊傳殉忠錄序及堵義興以下弔輓諸作此
外尚有堵公墓志郭幼隗饌傳桑日昇江門紀遺毛西河
饌傳今俱未見俟續求得增入開雕於道光十一年辛卯
秋七月其年冬十有二月朔竣工首其事者易州趙亨鈐
蔭甫助之者興國方炳文梅丞鎮海胡鈞竹安義烏陳坡
東屏四君皆官湖南縣令有聲繪像則桐城闕嵐雲山校

字則寧鄉黃本驥虎癡劉基定子復皆有功於是書者而
編輯則新化鄧顯鶴湘皋官寧鄉訓導時也是歲臘日顯
鶴謹識

案行狀有友三人欲與公存亡余初度公至交無如馮
郭二子故序中實以幼隗悵公二人其一不知何指後
得公七月二十三日與人書始知為蘇薦卿吳駿熙許
若木三人

後序

道光辛卯秋顯鶴有蔡忠烈公遺集之刻其時行狀前幅
尙缺墓志家傳未備又聞閩人言公詩文尙多有悔後集
外未盡佚者山城僻處無從蒐輯時悵悵於懷甲午冬龔
春溪學使來視學吾楚學使晉江人與忠烈同縣余私幸
得就訊公本末網羅散佚聞所未聞也已而學使同里巴
陵大令曾雲崧維楨去官將歸晉江復與余遇於長沙力
以撥輯自任逾年從學使處寄到闕本兩巨冊則行狀暨
堵文忠所纂墓志周通守請旌申文燦然具備詩詞尤多

李忠烈公遺集 卷六
楚本所未有係康熙時黃君志璋所刊行者黃君亦聞晉
江人其原序多殘缺中言當日於做篋中搜得行狀草稿
幾不可辨識及散佚詩詞先後付梓與顯鶴近日蒐羅重
刻情事適合既奇矣又言公詩詞及書啟甚多今但刻其
詩稿書啟則俟之異日用是知公文遺佚者尚多可慨也
曾君既以閩刊本寄余又錄示公丙子寄兄書一篇卽黃
序所云書啟尙多之一也書凡數千言益見公平日持守
道力毅然以聖賢自待非取必於一時者比余既喜公集
稍稍完備因益考公出處本末凡紀傳方志稗乘有與公

事牽連關會者詳悉採入纂爲年譜草創未竟適以事來
長沙遇南安李君崢嶸於善化縣署談次出示公癸未七
月二十三日與人書墨蹟益得證本傳行狀所未及凡年
譜中罅漏舛譌此書出遂得彌補是正李君之官滇南迂
道長沙又適爲風阻不卽行因展轉得與余遇若預知余
有續編遺集纂輯年譜之舉鄭重相覘者然不更奇哉既
摹勒此書上石又續得乾隆間長沙太守呂君肅高重刻
忠烈公弔輓集中所載倪康年忠烈小傳合之閩本及他
記載爲前集所未收者共若干篇重爲排次名曰忠烈公

遺集續編首年譜次墓志次申文次福建通志人物傳次
長沙府志名宦傳次小傳次傳畧次募復祠田序次詩次
詞賦次丙子家書次與人書次原刻詩序二次重刻弔輓
詩序次題跋家書後二次逸事次弔輓詩次後序續有所
得仍以次編入年譜凡三易稿而後成與共商推者爲寧
鄉黃虎癡本驥善化勞星陔崇光暨家仲雲渠菟輯之勤
且慎同縣鄒未績漢勛之力居多刊行則漢陽司馬義烏
陳東屏坡郴州牧鎮海胡竹安鈞桃源今鄞縣沈栗仲道
寬善化令興國方梅丞炳文皆有功於是書者也丙申秋

八月顯鶴謹識於長沙寓舍

聖人之

咨嗟而形諸詠歌爭光日月豈偶然哉先生葬城用醴陵坡後以公葬地易名理靈凌國俊諸人附葬公墓旁國俊姓凌湘鄉人爲司理胥隸明史誤作林趙忠毅公謂國俊爲幕下從者九人之一書曰幕下者貴之之詞不欲以隸名之嗚呼如國俊者豈敢以隸名之哉隸也亦何累於國俊哉

右蔡忠烈公遺集都爲一卷刻於長沙旣成今兩江制府宮保陶雲汀先生復寄示公別傳與當日同殉難諸公及幕卒各小傳屬爲增刻因復徧搜一統志通志郡縣志名宦傳各條采輯增入其同時殉難名宦鄉賢幕卒亦各以類附又補輯逸事數則增繪公小像一與祠堂像並列卷首席冀公靈爽式憑可以垂世行遠此外尚有福建通志晉江縣志蔡氏家譜及海內名家私集紀載弔輓之作尙多伏冀四方有道君子不吝展轉郵示以便隨時登載是所敬禱道光癸巳九月望日鄧顯鶴謹跋

重刻忠烈公遺集後序

悔後集之刻前鄉先輩 黃璞園先生宦湖南曾付梓傳
佈後歸里倡建 公祠於郡城學宮之東復得遺詩授梓
同湖南刻版命藏祠中嗣莆田 黃公北山亦彙刻先後
弔輓 公詩合原集部分二本是 公之集久已炳耀於
吾郡及楚南矣迄今世遠年湮鏤板寢滅是集亦絕少槧
見間有一二抄本及自外郡攜來者以爲碩果僅存珍若
拱璧故常有欽仰我 公之忠莫由覲讀我 公之集豈
非吾輩之所愧歟癸卯冬安平諸宗裔齋頭集談僉議捐

資重鐫凡前後刻本及諸抄本搜羅彙輯雖較前刻為加
詳奈行狀一篇字頁殘闕欲行訂正未由檢校因之稽延
兩載未得付梓歲丙午適吾邑 壽臣黃先生魁之師叔
是夏以給事中奉

旨任廣東糧儲道務自京過閩携到一部出以示魁蓋湖南寧
鄉縣儒學 邵公湘臬所編輯者部為四本有前刻續編
之別顏曰

蔡忠烈公遺集魁 盜手捧誦 公行狀一篇本末備詳併得
所纂年譜一冊敬畏交集喜出望外因請借歸恭行校對

凡有遺漏以及 公鄉會二墨敬謹增入至於弔輓詩鄧
本僅見幾首茲魁舊刻舊抄所載併得諸近今者悉錄登
上較詳且多全集畧備分為六本壽之棗梨公諸同好庶
斯集既光於前者益彰於後而桑梓之邦復得誦 公詩
考 公行實備稔我 公當日捐軀殉國巔末生氣猶凜
凜在目前未必非感激忠義之一助云爾
道光二十六年丙午冬至後十日宗裔應魁謹識

李忠烈公遺集

卷六

三

